

1 აპრილს, 3 საათზე, თსუ 2-ე კორპუსში, 135 აუდიტორიაში აღმოსავლეთ –დასავლეთის მენეჯმენტის ინსტიტუტი, “საჯარო პოლიტიკის, ადვოკატირების, და სამოქალაქო საზოგადოების განვითარება საქართველოში“ პროგრამის ფარგლებში, წარმოადგენს ანაზღაურებადი სტაჟირების პროგრამას მაგისტრანტებისა და დოქტორანტებისთვის.

ანაზღაურებადი სტაჟირების პროგრამა მაგისტრანტებისა და დოქტორანტებისთვის EWTI-ს „საჯარო პოლიტიკის, ადვოკატირებისა და სამოქალაქო საზოგადოების განვითარების“ (G-PAC) პროგრამა აცხადებს საბუთების მიღებას ანაზღაურებადი სტაჟირების პროგრამაზე. სულ დაფინანსდება საჯარო პოლიტიკის, სახელმწიფო მართვის, პოლიტიკური მეცნიერებების, ეკონომიკის და სხვა მონათესავე სპეციალობების 25-30 მაგისტრანტი და დოქტორანტი სტუდენტი.

სტაჟირების ხანგრძლივობა შეიძლება იყოს 6 თვემდე, წელიწადის ნებისმიერ დროს, მათ შორის, ზაფხულშიც. სტაჟირების გავლა შესაძლებელია წამყვან ქართულ არასამთავრობო ორგანიზაციებში ან საჯარო უწყებებში. სტაჟირებმა მონაწილეობა უნდა მიიღონ საჯარო პოლიტიკის კვლევაში ან/და ფაქტებზე დამყარებული ადვოკატირების კამპანიის განხორციელებაში. სტაჟირებები, რომელთა უდიდესი ნაწილი ადმინისტრაციული ფუნქციების შესრულებას ეთმობა, არ დაფინანსდება. სტაჟირების გავლა შესაძლებელია როგორც თბილისში, ისე რეგიონებში. აპლიკანტებს რეგიონებიდან მიენიჭებათ უპირატესობა.

პროგრამაში მონაწილეობის მიღება შეუძლიათ მაგისტრანტ და დოქტორანტ სტუდენტებს, რომლებიც ამჟამად სწავლობენ უმაღლეს სასწავლებლებში ან ცოტა ხნის წინ დაასრულეს სწავლა, და ბაკალავრის ხარისხის მქონე სტუდენტებს, რომლებიც მაგისტრატურაზე აპირებენ სწავლის გაგრძელებას. სასურველია, რომ სტუდენტებმა სტაჟირებაში აკადემიური კრედიტები მიიღონ. უპირატესობა სწორედ იმ აპლიკანტებს მიენიჭებათ, რომელთაც ეს საკითხი უმაღლეს სასწავლებლებთან წინასწარ ექნებათ შეთანხმებული.

ანაზღაურებადი სტაჟირების პროგრამის გრანტის მოცულობაა: \$900-\$1800. საგანაცხადო ფორმები ([იხილეთ აქ](#)) შეგიძლიათ გამოაგზავნოთ ყოველი თვის ბოლო პარასკევამდე.

საბუთების მიღება დაწყებულია!

დაინტერესებულმა პირებმა უნდა წარმოადგინონ შემდეგი საბუთები:

- G-PAC-ის საგანაცხადო ფორმა;
- სამოტივაციო წერილი;
- ოფიციალური წერილი არასამთავრობო ორგანიზაციიდან ან საჯარო უწყებიდან, რომლითაც ორგანიზაცია/უწყება ადასტურებს, რომ დაფინანსების შემთხვევაში მიიღებს სტაჟირორს;
- ავტობიოგრაფია (CV);
- სამი რეკომენდატორის სახელი და გვარი და საკონტაქტო ინფორმაცია;

- აპლიკანტებმა, რომლებიც სტაჟირების პერიოდში უმაღლეს სასწავლებელში სწავლობენ უნდა წარმოადგინონ უმაღლესი სასწავლებლის ოფიციალური ნებართვაც.

საგანაცხადო ფორმები მიიღება როგორც ქართულ, ისე ინგლისურ ენაზე, თუმცა, ინგლისური უკეთესია. დამატებითი ინფორმაციის მიღება შესაძლებელია EWMI G-PAC-ის ოფისში (მარჯანიშვილის ქ. #5, მესამე სართული), სამუშაო საათების განმავლობაში. კითხვების შემთხვევაში დაუკავშირდით თამარ გერმანაშვილს, G-PAC გრანტებისა და ფინანსების მენეჯერს, ელ. ფოსტით gtamara@ewmi-gpac.org ან ტელეფონით (32) 20 24 44 შიდა:102. საბუთები გაუგზავნეთ თამარ გერმანაშვილს ელექტრონული ფოსტით ან ამობეჭდილი (მარჯანიშვილის ქ. 5, მესამე სართული, თბილისი, საქართველო).